

ratio vis centrifugæ ad gravitatem primitivam. Si fingamus corporis aliquujus sub Äquatore gravitatem omnem sublatam, jam posito rotationis motu corpus illud per telluris tangentem elabetur, ideoque minuti unius secundi intervallo supra ipsum telluris globum attolleretur tota illa altitudine, quæ est inter tangentem, et arcum minuti unius secundi tempore descriptum, quæ quidem lineola tangente, et aren comprehensa ex elementis Geometriæ facile invenitur. Hæc exprimit vim centrifugam sub Äquatore; addi autem debet spatio, quod corpora sub Äquatore minuti unius secundi temporis libere descendendo percurrunt, atque habebitur gravitas primitiva sub Äquatore, quæ proinde conserri poterit cum vi centrifuga data, atque ita dicendum de aliis quibuslibet terræ locis. Sed hæc paucis indicasse sufficiat; convenientius enim explicabuntur, ubi de figura telluris; in hac conclusione solam gravitatis variationem demonstrandam suscepimus.

Objic.: doctrina pendulorum hactenus explicata omnem excludit medii resistantiam; at certissimum est pendula impedimentis plurimis obnoxia esse. Et quidem aeris resistentia maximè retardatur, in ipso suspensionis punto mutuus fit attritus, atque hinc oritur aliud omnino inevitabile impedimentum. Itaque sic argumentari licet: gravitatis variationem non demonstrant experimenta illa, quæ nulla sufficienti diligentia institui possunt; atqui, cet., ergo cet.

Resp. C. maj. N. min. Aeris, aut mutui attritus impedimento tribui non potest differentia, quæ in pendulorum longitudine observata est. Et quidem iisdem impedimentis afficiuntur pendula tum sub Äquatore, tum versus Polos. Neque est,

quod dicant, aliqua fortasse de causa majorem esse aeris resistantiam versus Äquatorem, ac proinde et majorem penduli retardationem. Et certè in tam exigua velocitate exigua omnino esse debet, et ferè nulla aeris resistentia, quæ si qui agit, ubique eodem ferè modo mutam retardat, et potius minus sub Äquatore ob minorem aeris densitatem, majori scilicet calore vigente. Præterea etiam diligentissimi viri, qui pendulorum longitudinem observarunt, nullam prætermisere diligentiam, ut penduli retardationem ex aeris resistentia oriundam cognoscerent, adhibitis quoque accuratissimis barometris, quæ atmosphæræ variationem indicarent; sed tanta diligentia necessaria quidem fuit, ut accurate, et adamassim definiretur vera penduli longitudo, mediocris autem diligentia satis fuit, ut variatio penduli innotesceret; tanta enim est, ut observationibus etiam sine maxima subtilitate institutis sese conspicuum præbeat. Præterea omni caret verisimilitudine, observationes omnes in euindem errorem perpetuo conspirare, quod nempe penduli isochroni longitudinem per gradus minorem faciant, pergendo à Polis ad Äquatorem. Porro in præsenti conclusione generatim dumtaxat agimus de gravitatis inæqualitate, rem verò accuratius determinare pertinet ad Geographiam, ubi telluris figuram investigabimus.

Instabis 1. : in pendulorum observationibus non appareat summus ille consensus, qui tamen ad fidem faciendam necessarius omnino est. Circumferuntur plurime observationum tabulæ, quæ quidem à se invicem non parum discrepant. Imò Picardus per totam Galiam, et Vranoburgi eamdem invenit penduli longitudinem. Unde sic concludi

potest; gravitatis variationem non demonstrant observationes illæ, quas erroris suspectas reddit earum dissensus; atqui cet.: ergo cet.

Resp. Dist. maj.: erroris suspectæ sunt obseruationes, quoad veram, et accuratam pendulorum longitudinem, transeat, quoad longitudinem penduli generatim consideratam, N.: quarè distincta min. N. cons. Re quidem vera plurimos observationum catalogos inter se minime conspirantes exhibueront doctissimi viri, sed quamvis ob re difficultatem in eadem non consentiant penduli longitudine, in id tamen conspirant omnes, ut in praecedenti responsione observavimus, quod ne rē pendulum ostendant brevius sub æquatore, longius versus Polos. Quod autem *Completus* eam leni in universa Galia inveniret penduli longitudinem, referri debet nimis exigue locorum distantiae, atque etiam instrumentis minus accuratis pro ea, quam tales observationes postulant, subtilitate. Dixi autem *transeat*: tanta enim diligentia his nuperimis annis iterata fuerunt experimenta, ut miranda omnino sit tanta consensio; tantillas enim habent differentias, quas nulla diligentissimorum virorum industria vitare potest.

Instabis 2.: durissima quæque metalla vi caloris extendi, frigore autem contrahi, certissimum est. Notissimum est Physicis instrumentum, quod *Pyrometrum* dicitur: hæc est illius structura. Consitat ex lamella metallica, cuius extremitas una in denticulos desinit: hi autem denticuli axis perpendicularis cavitatibus; seu canaliculis inseruntur; axis autem rotæ horizontalis dentes ingreditur. Subtus lamellam metallicam aptata sunt elichnia, quæ admoto igne flamman concipiunt. Rebus ita dispositis, lamella distenditur, illiusque

pròindè denticuli axis cavitates per vices subeant et eundem axem convertant; revolvit autem non potest axis, nisi moveatur quoque rota superior horizontalis huic contigua: quarè si centro rotæ aptatus fuerit indiculus, qui circumferentiam in gradus, graduumque partes divisam libere percurrat, ipsam lamellæ dilationem ex graduum cursorum numero astinare licebit. Tanta autem est dilatio, ut circumferentiam integrum indiculus aliquando describere videatur. Si vero ad calorem extinguendum aqua lamellam perfundas, ad pristinum locum retrogrado motu redibit indiculus, ideoque et lamella justum contractionis statum recuperabit. Eamdem dilatationem accuratissimis observationibus expertus est Clarissimus de Mairan, soli igni, et aquæ ebullienti expositis metallorum virgis. Igitur probabile est, caloris vi sub Zona torrida crevisse longitudinem penduli, quod idecirco lentius moveri debuit; idem vero pendulum Parisios translatum rursus contrahebatur. Unde sic gravitatis inæqualitati referri non debent experimenta illa, quæ in alternam pendulorum dilatationem, et contractionem refundi possunt; atqui cet.: ergo cet.

Resp. N. min. Observatam penduli variationem caloris vi tribuendam non esse, indubitatum omnino est. Virga ferrea pedum sex æstivo Soli meridiano diu exposita, experimentis diligenter institutis inventa est major, per duas tertias partes lineæ, ideoque per decimam octavam partem pollicis Parisiensis. Virga pedis unius ad ignem candefacta per dimidiam excrevit lineam. Primus calor ex Sole æstivo meridiano conceptus satis quidem vehemens in virga penduli pedum trium induceret unam tertiam lineæ partem. Alter autem ca-

lor vehementissimus, igne scilicet excitatus, linea^e unius cum dimidia variationem exhiberet. At pendulum, quo utebantur diligentissimi viri, multo minorem calorem debuit concipere, nec igni expositum, nec solariibus radiis; immo caloris effectus summa diligentia impediabatur, vel redacto conclavi, in quod experimenta instituebantur, ad calidioris loci temperiem, quod igne admoto, et exhibito Thermometro in Laponia præstitit Dominus de Maupertuis, vel notando oscillationum discrimen singulis gradibus caloris debitum, quod Thermometri ope diligentiter perfecit Grahamus; hac enim exhibita diligentia variatio calori debita à tota penduli inæqualitate tuto detrahebatur. His autem præsidis exercitatissimi viri in plurimis locis plures observationes habuerant. *Torneæ* in Laponia inventa est longitudo penduli ad minuta se-
cunda oscillantis pedum 3, linearum 9 $\frac{1}{100}$ Pa-

risii pedum 5, linearum 8, $\frac{67}{100}$, sub Äquato-
re pedum 3, linearum 7 $\frac{21}{100}$. Hanc autem tantam

differentiam vi caloris tribuendam non esse, ex hactenus dictis facile patet.

Instabis 3. quamvis gravitatem minorem sub Äquatore ostendant pendulorum observationes, inde tamen minime colligi potest gravitatis inæqualitas, ab Äquatore ad Polos certam servans legem: etenim fingamus gravitatem, qualem requirit Newtoniana hypothesis, in ratione reciproca duplicata distantiarum à singulis materiae par-

ticulis, fingatur quoque terra sphærica homogenea, ac dematur sub Äquatore B sphæra materiæ, cuius radius BI (fig. 18.) contineat millaria quatuor; jam detrahetur in B pars circiter millesima gravitatis. Nam terræ semidiameter CB est millarium circiter 4000. et attractio in sphæram CB est ad attractionem in BI, ut BC ad BI, sive ut 1000. ad 1, quod antea demonstravimus; at in B nullum observari poterit decrementum gravitatis. Est enim attractio puncti F in sphæram IB, ad attractionem puncti B in eadem, ut BI^2 , ad FI, sive proximè ut $1B^2$, ad $2BC^2$, sive ut 16. ad 32000000; nimuram decrementum gravitatis in F, erit

1

1

2000000 decrementi in B, et 200000000 gravitatis totius. Si jam sphæra BI transferatur in F, eodem argumento ibi crescat pars millesima gravitatis, nihil in B, eritque differentia inter B et F pars quingentesima gravitatis. Si dupla sphærae diameter adhibita fuisset, prodisset differentia dupla, nimuram pars ducentesima, et quinquagesima-quarta, qualis ferè per observationes pendulorum invenitur; quamvis autem gratis omnino fingatur sub Äquatore in B existere cavernam ingentem, cuius diameter sit milliarium octo: certum tamen est multo minus materiæ sub Äquatore, quam sub Polis contineri; nam ob ingentem calorem perpetuum corpora omnia rariora sunt versus Äquatorem; at versus Polos perpetuis nivibus, et glacie rigent omnia. Præterea observationes pleraque in America factæ sunt in locis maritimis, immenso Oceano cunctis, cuius et magna est profunditas et ingens extensio; reliquæ in Europa observationes institutæ sunt in locis à mari remotiori-

bus, et supra maris superficiem ita elatis, ut illa major à centro distantia minus defrabit gravitati, quam addat tanta materiæ quantitas late circumfusa. Ex his omnibus sic aliqui solent argumentari. Certum gravitatis incrementum, vel decrementum non ostendunt inæqualitates illæ, quæ recensitis causis tribui possunt; atqui est: ergo cet.

Resp. transeat maj. N. min.; ad maiorem dico transeat, in præsenti enim quæstione sermo est dumtaxat de gravitatis inæqualitate, non verò de hujus inæqualitatis lege et causa; at pro mero figura certè haberi debent in locis quibusdam cavernæ, in locis aliis montes; ecquis enim facile crediderit per universam tellurem tali ordine montium, cavernarumque seriem distributam fuisse, ut certis pendulorum legibus accurate respondeat? Et quidem observationes non tantum sub æquatore et prope polos, sed etiam in locis aliis plurimis, et longius à montibus fuerunt instituta. Tandem versus æquatem eminent altissimi montes quorum ea fait vis attractiva, ut pendulum à perpendiculari directione septem secundorum intervallo dimovere potuerit, ut antea observavimus. Verum juxta objectionis hypothesis tellus sub æquatore montibus iminere non debet, sed contra cavernis ingestibus hiare. Hic autem data iterum occasione de mentium attractione pauca revocabimus, ex quibus intelligatur, altioribus quoque montibus exiguum omnino vim tribuendam esse, illosque minimam continere materiæ quantitatem, si cum massa telluris conferantur. Ponamus montem tria millaria altum, qualia est circiter altitudo montis Chimboraco. Hunc montem exhibeat sphæra D in superficie telluris, quam tangat recta CLD, (fig. 19.) erit gravitas in L in

tellurem ad gravitatem in D in sphæram, ut sphærarum radii (ex demonstratis) gravitas autem in L in tellurem ad gravitatem in D in eandem in ratione reciproca duplicata distantiarum LC, DC, à centro ejusdem, ac proindè si DH exprimat gravitatem in terram in D, erit DG: LC². = = LC: DH: et completo rectangulo ODHA, dirigetur gravitas per HO ex motuum compositione. Jam vero in triangulo rectangulo DHA dicatur: ut DH est ad HA, ita radius ad tangentem anguli DHA; quia autem data est semidiameter telluris, quæ minor est milliariis parisiensibus 3940, ac proindè et ipsa DH, dabitur angulus HDA qui invenitur 1°. 18''. Talis ergo esse deberet aberratio penduli prope montem Chimboraco; quæ tamen aberratio per observationem prodiit dumtaxat 7°. Hic afferre placuit demonstrationem antea omissam, principiis necessariis nondum constitutis. Hinc patet ingentes etiam montes minimam habere densitatem pro ratione voluminis: quare certum est, montes illos cavitatibus seu cavernis hiare. Illæ autem telluris inæqualitates, quæ tanta nobis videntur, et minimæ tamen sunt cum tota telluris massa comparata, probabilissime referenda sunt in vehementiores aliquas telluris confusiones, quarum effectum ultra superiores telluris partes propagatum non fuisse, verisimillimum est. Itaque ex his omnibus colligitur ad explicandam gravitatis inæqualitatem sine ulla ratione fangi montes et hiatus certa lege per universam terram dispersos. Ceterum quamvis sæpe dixerimus, gravitatis legem per observationes pendulorum hic a nobis non determinari, nemo tamen putet, id contrarium esse constituta antea attractionis legi in ratione distantiarum duplicata decrescentis: etenim hanc

attractionis legem demonstravimus inter corpora cælestia magnis intervallis à se invicem remotissima, in quibus proindè diversam densitatem negligere licuit. Gravitatem terrestrem in eadem quoque ratione decrescere ostendimus, sed gravitatem consideravimus in eodem dumtaxat telluris loco; nullam verò rationem habuimus illarum inæquilitatum quæ ex varia telluris densitate aliisque causis originem habere possunt. Tandem inæquilitates illæ nihil repugnant demonstratæ attractionis legi, cum orientur ex ipsa attractionis lege in ratione directa massarum et duplicata inversa distantiarum. Sed ut jam sèpe monuimus, fusior explicatio ad alium locum pertinet, ubi de figura telluris.

Instabis 4. : pendulorum observationes haberi non possunt nisi facta comparatione cum horologii motu. At horologia constant ex variis partibus, quæ singulæ impedimentis plurimis afficiuntur: humido vel arido cælo magis vel minus lubricæ siont rotæ, modo velociores, modo tardiores; hinc fit ut pendulum horologii in longiores vel breviores arcus excurrat, ac proindè idem non servetur singularum oscillationum tempus. Tandem vitium aliud, quod in pendulo simplici jam notavimus, in horologiorum pendulis multo magis crescit ob partium multitudinem et varietatem, nempe pro varia cæli temperie mutantur, varieque extenduntur et contrahuntur plurimæ horologiorum partes; hinc mutatur centri oscillationis situs. Ex his omnibus ita concludi potest: incertis canis, et sine ulla lege variis tribui potest diversa penduli longitudo, si incertus omnino sit horologiorum usus, quantum in re tam subtili desideratur; atqui cet. : ergo cet.

Resp. C. maj. N. min. Re quidem vera horologiorum partes singulæ variis mutationibus sunt obnoxia: at comparatione diligenter instituta inter horologii Solisque aut stellarum motum, innotescere facile potest an horologium errorem aliquem admittat. Præterea ad vitandam mutationem ex cæli temperie oriundam adhiberi debent artificia, de quibus jam supra mentionem fecimus. His horologiorum incommodis plurima parata sunt remedia. Grahamus celeberrimus instrumentorum artifex utilissimum sane tantis malis remedium excogitavit. In extrema penduli virga suspendit tubum mercurio plenum ita ut tamen in tubo spatioli aliquid superest, per quod mercurius ipse caloris vi dilatatus cum virga intra tubum ascenderet, descendente interim tubo ipso, atque ita centrum oscillationis suo loco maneret. Est et alia ejusdem erroris corrigendi ratio: suspenditur pondus diversorum metallorum lamellis ita inter se connexis, ut dum altera lamella magis distenta ultra alteram itidem distentam pondus que deprimentem excurrit, ipsa pondus sursum attellat, et priori altitudini restituat, imò etiam non nihil majori, ita ut ipsius virgæ centri oscillationis descensus compensetur, totiusque penduli centrum oscillationis suo pertet loco. Neque hic prætermittendum est aliud artificium non minus ingeniosum, quod paucis ab hinc diebus excogitavit peritissimus horologiorum artifex Parisiensis Lepautius. Accuratissimis observationibus notum sit oportet, quantum dilatetur virga metallica pro dato quolibet thermometri gradu; hos autem dilatationis gradus cepit Lepautius ex Bougueri et Ellicottii virorum diligentissimorum experimentis. Deinde curvam delineavit cuius radii inæquaes

virgæ dilatationibus semper forent proportionales, ita ut anguli quos radii singuli cum ipso divisionis initio continent, semper crescant, ut gradus thermometri. Id verò obtineri posse, evidens est descripto circulo et in suos gradus diviso, non secus ac dividitur thermometrum, hoc est, in partes 40; nam Parisiis intra hos limites consistit altitudo liquoris in thermometro; patet autem hanc curvam imitari spiralem quam archimedeam à suo inventore dicunt Geometrae. Tandem compertum est, partem centesimam lineæ in dilatatione virgæ per horas 24 id efficere, ut pendulum retardet minuto uno secundo. Jam si radii centesima parte lineæ pro singulis divisionibus minuantur, manifestum est, punctum curvæ, quod quadragesimæ divisioni respondet, centro proprius esse quadraginta centesimis partibus lineæ, seu duabus quintis lineæ, quam sit ipsum curvæ initium. Quæ cum ita sint, in descriptam curvam flectatur lamella metallica, eaque sub ipsa horologii suspensione collocetur: aptata etiam acu, quæ thermometri gradibus respondet. Totum ergo negotium huc reddit, ut pro tempore aliquo dato observetur gradus thermometri, curandumque ut acus eidem gradu respondeat. Hoc idem instrumentum alteri quoque graviori malo remedium afferat. Rotarum cardines in horologiis oleo imbu solent; olei autem particulae æstivo tempore vi caloris solutæ fluunt, tempore autem hiberno frigoris vi constringuntur et indurescunt. Hinc liberiores vel difficiliores sunt oscillationes. Verum cum malum istud ex eadè causa pendeat, nempe, ex gradu thermometri, idem quoque adhibetur remedium, agenda nempe est radiorum inæqualitas. Igitur non solum minor debet spiralis radius centesima par-

te lineæ, seu quadragesima parte circumferentiae totius circuli, sed multari etiam debet quantitate huic alteri effectui debita, et per observationes cognita.

Superest tandem ut de vibrationum inæqualitate aliquid adjungam. Re quidem vera horologiorum pendula in breviores longioresque arcus variis de causis sepe excurrunt; verum arcus illi licet inæquales iisdem quam proximè temporibus describi demonstrant Geometræ; quod ut intelligatur, brevis sermo haberi debet de celeberrima quadam curva, quam cycloidem appellant. Cyclois est curva linea, quam describit punctum aliquod in circuli circumferentia pro lubitu assumptum, interea dum circulus totus saper lineam rectam revolvitur. Hujus curvæ genesis repræsentari solet per imaginem clavi in rotæ superficie defixi; dum nempe rota per planum circumvolvit, clavis in aere cycloidem percurrit: de prima cycloidis inventione acerrime certatum est circa annum 1643. inter Torricellium et Robervalium, illo primam cycloidis considerationem tribuente in Italia Galilæo, hoc autem in Gallia Merseno nostro. Sed quidquid sit de illa concertatione quæ in rixas apertasque inimicitias deinde exarsit, solam rei utilitatem, minime verò gloriam considerabimus. Plurimas inter et quidem elegantissimas cycloidis proprietates unam præ aliis afferemus, quæ ad præsentem casum pertinet; si nempe cycloidis ita invertatur, ut crura sursum tendant, punctum autem infimum horizontem tangat, tum è quavis distantia demittatur grave per ipsam cycloidem, eodem omnino tempore per arcum utcumque magnum vel parvum descendet. Itaque patet hanc cycloidis proprietatem ad pendulorum usum trans-

ferri posse; si nempè efficiatur ut *virga penduli* in cycloide suas vibrationes absolvat; hac enim arte servatur temporis æqualitas, mutata ulcumque arcum descriptorum longitudine. Illud autem commodum sequenti artificio obtineri potest. Si curvæ cuilibet ex ejus parte convexa advolvatur filum, tum evolvatur ita ut pars evoluta semper tensa maneat, punctum fili quodenique curvam quamdam lineam delineabit motu illo per aerem. Curva quam filum complectitur, dicitur *evoluta*; curva autem quam filum in aere describit, curva *evolutione genita* appellatur. Curva genita semper admodum diversa est ab evoluta. At ceteris proprietatibus cycloidis hæc addenda est sane elegans; si nempè à summo vertice cyclois evolvatur, se ipsam generat sibi prorsus æqualem, ita ut binæ semicloidies in situ erecto positæ, et è parte convexa in ima sui parte sibi conjunctæ integrum cycloidem generent. Quamobrem si binæ lamellæ semicyclojales in ima parte convexæ invertantur deorsum, ita ut ima pars evedat summa, ex ipso lamellarum angulo appendatur filum quod semicycloidis perimetro æquale sit, pondus imò filo suspensum oscillationes suas in cycloide peraget, isochronas prorsus; sive in ampliores arcus excurrant, sive brevioribus arcibus se contineant, tempore semper æquali. Hanc cycloidis proprietatem ad horologiorum usum primus omnium traduxit *Hugenius*. In horologiis vel pondus appensum, vel lamina chalibea elasticæ per vim contracta, motum primæ rotæ imprimit à qua in totam machinam derivatur. Jamdiu in usu erat id machinarum genus, sed *Hugenius* eidem machinæ pendulum adjecit, ita ut cum illius oscillationibus celerioris rotæ motus connecteretur, dentesque

singuli post singulas oscillationes procurrerent. Verùm jam diximus, Geometris demonstratum esse, descensus per arcus circuli minimos etiam inæquales esse quam proximè isochronos: quarè cum minimi sint circulorum arcus à pendulis descriptori, tanta non est hac in re cycloidis utilitas. Præterea in pendulis simplicibus sola gravitate sollicitatis valere quidem potest cycloidis usus; sed minus felici successu horologii aptatur. Et quidem ad penduli vibrationes præter gravitatem concurrunt quoque motrices horologii vires quæ penduli isochronismum turbare maximè possunt: quarè minimos circulorum arcus præferendus esse, ipsa quoque experientia edicti sunt horologiorum artifices. Sed hæc pauca dicta sint quantum patitur nobis imposita doctrinæ facilitas.

ARTICULUS III.

De corporum conflictu.

I.

Tria distingui debent corporum genera; *dura*, *mollia* et *elasticæ*. Dura dicuntur quæ ad mutantam figuram nulla vi cogi possunt. Mollia, quæ figuram ita mutant, ut mutationi resistant: eam autem amissam recuperare non videntur. Elasticæ tandem dicuntur ea quæ figuram amissam recuperare videntur. Rursus autem corpora vel sunt perfecte elasticæ, si nempè restituantur eadem vi, qua fuerunt compressæ; vel imperfecte elasticæ, si restituantur vi minori. Corporum perfecte elasticorum restitutionem ita exprimere solent Physici. Dieunt nempè, in corporibus perfecte elasticis, vim restitutivam æqualem esse vi compres-

sive. Has definitiones exemplo illustrabimus. Globi duo elastici sibi mutuo occurrant; primum quidem in punto sese contingunt, sed partes contingentes et sese mutuo prementes cedunt magis ac magis ad certos usque limites, ac proinde augentur per gradus contactus magnitudo, donec partes compressæ per eosdem gradus, sed velocitatis ordine inverso, sese restituant, et ad pristinum statum redeant. Jam ut inter corpora elasticæ et non elasticæ comparatio instituatur, fingamus corpora dura AB (fig. 20.) longa elasticorum serie connexa esse; si A moveatur versus B, id fieri non potest nisi comprimantur elasta, ac proinde corpus A, agit in B per elasta interposita, atque magis ac magis hæc elasta comprimentur, donec corpora duo æquales secundum eamdem directionem velocitates habeant: in hoc autem statu nulla vis aget in elasta; ac proinde vim elasticam exerent, et laxari incipient, sed inverso velocitatis ordiae. Itaque in corporum elasticorum conflictu considerandæ sunt actiones duæ. In prima scilicet actione res se habet non secus ac si corpora essent omni elasticitate destituta, at cessante prima actione statim altera incipit, elasta nempè restituentur eadem vi, qua fuerunt compressa, si perfecta sit elasticitas. Igitur in prima actione extinguitur velocitas qua corpora ad se invicem accedebant, seu, ut vocant, velocitas respectiva; in altera autem actione corpora à se invicem recedunt eadem velocitate respectiva, qua nempè ad se mutuo accedebant in prima actione. Unde patet, motus quantitatatem ab unoquoque corpore acquisitam vel amissam in prima actione æqualem esse quantitatæ motus acquisitæ vel amissæ in actione altera; ita ut quantitas motus per conflictum

acquisita vel amissa in corporibus perfecte elasticis duplo major sit, quam in corporibus perfecte duris. Quod spectat corpora imperfecte elasticæ, idem est in prima actione effectus ac in corporibus perfecte elasticis; verum quia vis restitutiva minor est vi compressivæ, minor quantitas motus in secunda actione acquiritor vel amittitur. At quia ex data corporum elasticitate, data etiam est ratio vis compressivæ ad vim restitutivam, seu ratio velocitatis respectivæ ante conflictum ad velocitatem respectivam post conflictum; evidens est, quantitatem motus in prima actione acquisitam vel amissam in eadem ratione augendam esse post conflictum. Tandem quod spectat corpora mollia, quoram partes cedunt, sed ad pristinam non redunt figuram, prima actio eadem est ac in corporibus perfecte elasticis vel perfecte duris; illorum velocitas respectiva per conflictum extinguitur, et unius corporis instar progrediuntur, cum nulla sit vis restitutiva. Illud autem discri-
men inter omnia corpora probe notandum est. Corpora mollia tempore finito motum suum alteri communicaret, eo scilicet tempore; quo cedunt corporis partes, et ipsam corporis diametrum percurrunt; si corpus perfecte molle fingatur. At in corpore duro, cuius partes cedere non possunt, unico temporis puncto indivisibili communicatur motus. Tandem in corpore perfecte elasticò tempore finito motus producitur; cedunt nempè corporis partes, et crescente compressione, motu retardato ad se invicem accidunt; donec tandem continuo agat vis restitutiva, qua fit ut partes motu accelerato ad pristinam properent figuram.

II. Omnes conflictum leges hoc uno principio innituntur; in quavis scilicet binorum cor-

porum collisione, quantum motus lucrator corporis unum secundum datum directionem, tantum quoque lucrari debet corpus alterum secundum directionem oppositam; quod quidem evidens est ex actionis et reactionis aequalitate. Porro duplex casus contingere potest, vel enim corpora tendant ad easdem partes, vel ad partes contrarias. Si primum, quidquid motus additur corpori fugienti, id detrahitur corpori incurrenti, ac proinde eadem manet tota motus quantitas post conflictum, quæ fuit ante conflictum. Si secundum, quidquid motus amittit corpus unum secundum propriam directionem, tantum quoque perit in corpore altero; illa enim corpora agunt in partes proprie directioni oppositas. Igitur in hoc casu eadem manet differentia motuum post conflictum, quæ fuit ante conflictum. Dux autem hujus principii partes ex dupli axiomate arithmeticico facile patent: si nempe duæ singulant quantitates ex quarum una tantum detrahitur, quantum additur alteri, eadem manet quantitatam summa: si verò ex duas quantitatibus æquales hinc inde partes detrahantur, eadem manet quantitatum differentia. Jam verò antequam collisionum leges ex demonstrato principio colliganus, observandum est corporam conflictam, vel directum esse, vel indirectum. Directus quidem dicitur, si corporum sibi occurrentium directio sit, in eadem linea recta; indirectus autem vel obliquus appellatur, si corporum directiones angulum inter se contingant. De corporum conflictu directo, deinde de indirecto agemus.

III. Si corpora duo non elastica sibi invicem occurrant ad easdem partes, vel ad partes contrarias, in utroque casu post conflictum instar unius

corporis progredientur: sed in primo casu velocitas communis post conflictum erit aequalis quantitate motus ante conflictum per summam massarum divissæ; in casu autem altero aequalis fiet differentia quantitatum motus ante conflictum divissa per summam massarum; si nempe corporum massæ dicantur M, m , velocitates ante conflictum V, v , velocitas communis post conflictum erit $\frac{MV + mv}{M + m}$

2. et quidem communem esse $M + m$; se velocitatem post conflictum, seu corpora duo post conflictum instar unius corporis progredi, evidens est. Cum enim corpora illa ponantur omnی elasticitate destituta; nulla est ratio, cur à se invicem resiliant vel separantur. Facile etiam patet in primo casu velocitatem communem æqualem esse quantitatil motus ante conflictum per summam massarum divissæ: etenim quantitas motus eadem manet ante et post conflictum; est autem quantitas motus productum ex massa in velocitatem; habebitur ergo velocitas, dividendo quantitatem motus ante conflictum per summam massarum. Simili ratione patet, in casu altero velocitatem æqualem esse differentię quantitatum motus ante conflictum per summam massarum divissæ; cum enim eadem maneat motus differentia ante et post conflictum, sitque quantitas motus ut factum ex massa in velocitatem, evidens est, ad habendam velocitatem id efficiendum esse, ut nempe differentia motuum à massis liberetur, quod fit dividendo per massas. Jam hujus secandi casus aliquas conditions expendamus. Si massæ et velocitates fuerint æquales, erit $mv = MV$, ideoque $MV - mv = 0$; quarè velocitas nulla est, et am-

bo corpora post conflictum quiescent. Si massæ fuerint æquales, quiescat autem massa m , erit
 $MV - mv = MV - V$

$$\frac{M+m}{2} = \frac{2M}{2}; \text{ corpora nemp̄ post}$$

conflictum dimidia velocitate progredientur. Si massa M quiescat, sitque valde magna et ferè im- mensa respectu massæ m , erit $MV = o$, ideoque

$$\frac{mv}{M+m} \text{ velocitas post conflictum fieret ac proindē}$$

physice nulla ob massam M valde magnam.

IV. Ex demonstratis conflictuum legibus in corporibus omni elasticitate destitutis, facilè colliguntur conflictuum leges in corporibus elasticis: etenim si corpora omni elasticitate careant, ex data velocitate communi post conflictum, et ex data corporum massa invenitur quantitas motus in unoquoque corpore post conflictum, que si conferatur cum quantitate motus ante conflictum, habebitur quantitas motus per conflictum acquisita vel amissa. Jam verò in corporibus perfectè elasticis quantitas motus acquisita vel amissa duplo major est; in corporibus autem imperfecte elasticis motatio motus augetur in ratione vis restitutivæ ad vim compressivam, ex demonstratis: quarè corpora elasticæ considerentur primum tamquam omni elasticitate destituta, atque inventiatur quantitas motus acquisita vel amissa; utraque duplo major fiat, si elasticitas fuerit perfecta; augetur autem ita ratione vis restitutivæ ad vim compressivam, si imperfecta fuerit elasticitas, atque ita conflictuum leges pro qualunque elasticitatis hypothesi determinare licet. Has autem leges exemplis illustrabimus. Si corpora omni elas-

ticitate destituta et æqualia ponantur, illorumque unum quiescat, post conflictum dimidiat velocitate ad easdem partes velut unum corpus progredientur. ut patet ex demonstratis: quarè corpus quiescens dimidiam motus quantitatem acquirit, quem amisit corpus incurrens. Jam si corpora sint perfecte elasticæ, duplo maior fiat mutationis motus in unoquoque corpore; ergo corpus quiescens totam acquirit motus quantitatem, quam amittet corpus incurrens, quod proinde quiescit.

Alterum consideremus casum, dum nemp̄ corpora ad partes contrarias tendunt, et facilitatis causa ponamus corpora æqualia et eadem velocitate moveri. Si corpora non fuerint elasticæ, ambo post conflictum quiescent, ac proinde totam et æqualem motus quantitatem amittunt; verum in corporibus perfecte elasticis duplo major est mutationis motus: quarè corpora perfecte elasticæ non solum amittere debent totam motus quantitatem secundum program directionem, sed contrariam et negativam, ut ita dicam, motus quantitatem acquirere; quarè corpora ad partes contrarias à se invicem resilient æquali motus quantitate. Simili modo ad calculum revocari possunt aliae quælibet motuum conditions. Tandem si corpora fuerint imperfecte elasticæ, accuratissimis experimentis nota sit oportet ratio velocitatis respectivæ ante conflictum ad velocitatem respectivam post conflictum: atque in eadem ratione augeri debet mutationis motus. Observavit Newtonus, in globis vitreis velocitatem respectivam ante conflictum esse ad velocitatem respectivam post conflictum, ut 16. ad 15. quare si in globis vitreis estimari debeant conflictuum leges, hac proportione utendum est. Ceterum in præcedentibus demonstrationibus

corpora omni elasticitate destituta, et perfecte dura consideravimus; qualia fortasse nulla existant in rerum natura. Verum hanc questionem ad alium articulum in Physics progressu rejicimus. Interim patet, hanc hypothesisim, falsam an veram, à nobis fingi potuisse, ut in corporibus elasticis conflictum leges eruere licet.

V. Demonstratæ hactenus conflictum leges pendularum ope ad experientiam revocari solent. Globus A vibrationes suas perficiat in circulo EAF, itemque B in circulo æquali GBH (fig. 21.) moveatur, et arcum RA descendendo, vel arcum ascendendo percurrat. Demonstravimus jam velocitates in punto insimo A fore, ut sunt arcum ascendendo, vel descendendo descriptorum chordæ. Itaque effici facile potest, ut corpora, datis quibuslibet velocitatibus, inter se congregiantur; atque ex arcuum descriptorum chordis post conflictum inventitur velocitas acquisita vel amissa; atque ita per experientiam probari posunt conflictuum regulæ. Verum in instituendis hujusmodi experimentis calculo subdaci debet aeris resistentia, quæ rem maximè turbat; in causa enim est, ut globus A descendens per arcum EA ex R, ascendendo per AF non percurrat arcum æqualem, nec iterum revertatur ad R; ut contingat in vacuo, sed deveniat ad punctum aliquod V. Newtonus ad habendam velocitatem globi A descendenter in aere per arcum datum prescribit, ut sublatto altero globo B, demittatur libere globus A ex aliquo punto R, noteturque punctum V, ad quod post duas oscillationes regreditur; tum pars quarta arcus RV collocetur in medio in ST, ut RS et TV æquentur inter se, nimirum ut VT ad VR sit in ratione 3 ad 8. Quiden ita se habere

ex constructione patet; nam $VR = = 2TV +$

$1 \quad 8TV + VR$

$— VR = = \frac{4}{4};$ ideoque $4VR = =$

$8TV + VR,$ et $3VR = = 8TV.$ His positis affir-

mat Newtonus, velocitatem in A globi deciden-
tis ex S in aera eamdem esse, quæ foret in vacuo,
si globus caderet ex T. Eodem modo si globus
post collisionem ascenderit ad S, inveniendum est
punctum V, ex quo libere demissus globus ipse
A post item et redditum ita ascenderet usque ad r,
Vt esset $r_s = = tv,$ et st quarta pars totius rv, si-
ve quod idem est, vt r_s sit ad rv in ratione 3 ad
8; affirmatque, velocitatem in A fore illam ipsam,
qua in vacuo ascenderet ad t.

Hujus correctionis ratio facile patet. Nam RV
est effectus resistentie aeris, qui in duplice illa
oscillatione debetur binis descensibus et binis as-
censibus, ideoque ejus pars quarta ST debetur
soli descensui; hanc partem in medio collocat ad
habendum medium quendam effectum; cum ni-
mirum bini illi descensus et ascensus non sint in-
ter se æquales, sed primus ascensus ac secundus
descensus, æquales inter se, medii sint inter
primum descensum et secundum ascensum. Hac
correctio exhibet velocitatem proxime solum, non
accurate, qua nimirum in exigua aeris resis-
tentia parum à vera ab ludere possit; nam ad veram
velocitatem determinandam multo sublimior et
adhuc inserta resistentiarum doctrina requiritur;
sed in re præsenti tantæ subtilitates sub sensum
non cadunt. Testator autem Newtonus, se pluri-
mis experimentis diligenter institutis invenisse ex-
perimenta ipsa doctrina hactenus explicata omni-
nò consentanea.

De corporum conflictu directo hæc panca demonstrare satis sit, ex quibus omnes conflictuum casus facile derivari possunt. Ceterum questionem metaphysicam de motu communicati causa paucis verbis hic iterum revocabimus. Affirmat Malebranchius motum communicationem cum principiis physicis, aut cum aliqua corporum proprietate necessario conjunctam non esse, ita ut inter corporum duorum motum seu quietem nulla major sit connexio, quam inter corporum figuram, colorem cet. Hinc concludit celeberrimus metaphysicus, corporis incurris motum causam physicam non esse, cur corpus percussum moveatur, sed totam motuum communicationem divinæ voluntati, illiusque immediatæ actioni referendam esse. Certum quidem est, voluntatem Creatoris, omnium naturæ effectum ac proinde et motus communicati primam et supremam esse causam; verum quod asserit Malebranchius, inter mutuos corporum conflictus nullam maiorem esse conjunctionem, quam inter illorum figuram, et colorem, id quidem parum accurate dictum est. Et certè corporis alicujus figura et color ad corporis alterius figuram coloremque nihil omnino conferre possunt; at si corpus aliquod in aliud incurrat, necessum est aliquam status mutationem contingere vel in corpore alterutro, vel in utroque corpore: etenim cum partes corporum ob illorum impenetrabilitatem ex eodem loco se excludant, corpus aliquod incurrens motus directionem persequi non potest, nisi corpus percussum moveatur; quod si corpus incurrens post conflictum quiescat, jam idem corpus statum mutat, transiens scilicet ex motu ad quietem: quare oportet, ut in corporibus aliqua fiat status mutatio. Res alio

exemplo confirmatur. Si corpora duo æqualia elasticitate destituta sese mutuo in partes directe oppositas æquali velocitate percutiant, ambo post conflictum quiescere ex illorum impenetrabilitate colligitur; ob eam rationem quiescere etiam debent corpora, si massæ fuerint in ratione reciproca velocitatum. Quæ cum ita sint, ex ipsis corporum proprietatibus fluere videntur conflictuum regulæ. Et re quidem ipsa ex vi inertiae atque ex actionis et reactionis æqualitate pendent omnes, quas tradidimus, conflictum leges. Itaque nos quidem latet, qua vi aut virtute corpora motum inter se dividant; motus enim nihil in se reale est, sed tantum aliquis existendi modus, nec facilius intelligitur motus quamquietis communicationis virium actionum nomina adhibent plerique Phylosophi, sed obscuris vocabulis rem implicant non explicant. Concludendum ergo est, motuum communicationis principiam metaphysicam ignotum nobis esse, ex corporum tamen proprietatibus pendere conflictum leges, quas infinita sapientia ad fines in hujusmodi creatione propositos dixerit et ordinavit omnipotens rerum omnium Auctor et Gubernator. Quamvis autem ex proprietatibus corporum pendere videantur percussionis regulæ, nemmo tamen temerario inferat, leges illas omnino necessarias esse, et ab omnipotentis Creatoris voluntate nequaquam pendere: etenim Deus corpora omnia totumque universum libere creavit et conservat, eadem pro arbitrio destruere, annihilare, ubi voluerit, iterum creare potest; ac proinde corpora omnia omnesque natura leges infinitæ. Dei omnipotentiæ subordinantur. Sed hæc conferantur cum iis, quæ de miraculis diximus in

Metaphysica, atque etiam cum dicendis deinceps de essentialibus corporum proprietatibus.

VI. Indirectus corporum conflictus ad directum revocari potest. Sint corpora duo sphærica A, et B, que ex locis A, et B eodem tempore exeat secundam directiones A G, et B I (fig. 22.) sitque velocitas corporis A ad velocitatem corporis B, ut AG ad BG. Describatur parallelogrammum ABHG, ducaturque DH. Centro G, et radio corporum A, B semidiametris æquali describatur arcus circuli, rectæ DH occurrit in L, I, agaturque LN parallela rectæ GA, itemque NR parallela rectæ GL: corporum duorum contra eodem tempore pervenient ad puncta N, R, tamque corpora se mutuo tangent; nam ex triangulorum similitudine DN est ad NL, vel GR, ut DB ad BH vel AG, vel etiam ut velocitas corporis B ad velocitatem corporis A: quare spatia BN, et AR, eodem tempore describentur, et corporum centra eodem tempore puncta N, et R altitudinibus. Quia vero recta NR æqualis est semidiametrorum summæ NR; evidens est, corpora sese contingere, sibique occurrere. Jam ducantur BM, AQ perpendiculares ad NR, erunt corporum conflictus iidem, ac si corpus A velocitate RQ occurreret corpori B velocitate MN secundam directionem NR: etenim velocitates corporum A, et B sunt, ut rectæ AR, et BN. Præterea motus AR resolvi debet in duos AQ et RQ itemque motus BN resolvit in duos BM, et MN; sed motus AQ, et BM secundam directiones parallelas nihil conferant ad conflictum; quare corpora ambo in se invicem agant non secus, ac si occurrerent sibi mutuo secundam directionem NR, cum

velocitatibus RQ, MN. Itaque ex demonstratis patet, motus indirectos ad directos revocari, idèque invenietur, ut ante, corporum velocitas post conflictum secundum hanc directionem; quo facto reperiatur directio composita in hunc modum. Potatur velocitas corporis A post conflictum == RG (fig. 23.) velocitas corporis B == NM, sitque RQ æqualis et parallela rectæ AQ, itemque NI æqualis et parallela rectæ BM, compleuanturque parallelogramma RQAG, NIbm, moveri pergent corpora A, et B post conflictum per diagonales RA, et NB cùm velocitatibus RA, NB. Quoniam ergo motus indirectus ad directem revocatur, facile patet qua ratione conflictuum leges ac corpora utcumque elastica indirectis motibus in se invicem incurvicia transferri possint; varios casus percurrere longius foret atque superfluum.

VII. Ad conflictum leges referantur etiam quæ de corporum reflectione tractari solent. Sit MN (fig. 24.) planum immobile, in quod perpendiculariter incidat globus F omni elasticitate destitutus; is post conflictum totam velocitatem amittet, ut ex dictis evidens est; cum nec in plano nec in globo quidquam sit, quod globum determinet ad regressum; et præterea corporis progressum ipsa plani immobilitas non permittit. Adveniat globus oblique per AC, et ducta AD perpendiculari ad MN, completoque rectangulo ADCF, motus per AC compositus intelligatur ex motibus AD et AF, quorum alter AD vel FC elideatur à primo MN, manebit autem alter AF vel DC, ac proinde globus excurret versus N, et æquali tempore percorrere CE == DC, quæ erit ad AC, ut cosinus angulus ACD ad radium. At si globus fuerit perfecte elasticus, in primo